

ИБРОҲИМ РАҲИМ



АҲМАД
ФАРГОНИЙ

(Ҳикоялар, драмалар, киносценарий)

«ШАРҚ» НАШРИЁТ-МАТБАА КОНЦЕРНИ
БОШ ТАХРИРИЯТИ
ТОШКЕНТ – 2000

АҲМАД ФАРГОНИЙНИНГ ЁШЛИГИ



ИШТИРОК ЭТУВЧИЛАР

Аҳмад Ибн Муҳаммад – Ёш Аҳмад Фарғоний
Муҳаммад – унинг отаси
Момо – Аҳмаднинг онаси
Устоз – Мунажжим
Парчиной – Унинг қизи
Мударрис – Мактаб муаллими
Юонон – Файласуф олим
Лойиҳачи – Макбара лойиҳачилар
Баттол – Аҳмаднинг синдоши
Сатимкарвон – Унинг отаси
Миршаб
Тарихчи
Дариссалом вакили
I сайёҳ
II сайёҳ
Хизматчи
Мактаб болалари
Халиф
Аҳмад Фарғоний руҳи

Вокеа шу кунларда бопланиб, араб халифалиги ҳукм суррон Кубо (*Қуба*),
Марвда юз беради.



БИРИНЧИ КЎРИНИШ



Болаларнинг жарангдор шовқин-сурони билан парда очилади. Кува шаҳристони тепалигида шўх болалар тўп тепиб ўйнамоқдалар.

Бир неча бола тепаликнинг хароба деворларидан нималарни дидир топиб келиб, ўйинчи болаларга кўз-кўз қиласидилар.

Б а қ а л о қ б о л а — Танга топдим. Жуда антиқа!
Шаклида подшо сурати бор экан...

Н о в ч а б о л а — Ўшаям антиқами? Мана меники антиқа!..

Болалар уни ўраб оладилар.

- Қаний?
- Манам кўрай... Каердан топдинг?
- Қидирсанг топасан. Тўлиб ётибди.

Болалар гуриллаб ўша томонга чопадилар.
Болаларни сеҳрли овоз тўхтатади.

С е ҳ р л и о в о з — Бу азиз тупроқдин қўлингни торт!.. Оёғингни торт!.. Торт!..

Болалар турган жойларида ҳанг-манг қотадилар.

С е ҳ р л и о в о з — Оёғинг остида азизу авлиёлар, подишиоҳлару ҳоқонлар ётурлар... Ётурлар...

Сахнага асбоб-ускуна кўтарган икки лойиҳачи, курувчи кириб келади. Ҳазилкашроқ кўринган Лойиҳачи болаларга ўшқиради.

Л о й и ҳ а ч и — Қани, марш! Тарқалинглар!.. Бу ерга энди қуруқ қўл билан эмас, бир кучоқ гул кўтариб келасизлар.

Б а қ а л о қ б о л а — Қачон?

Л о й и ҳ а ч и — Кеч кузда. Анор пишганда.

Болалар уни ўраб олиб қий-чув сўрай кетадилар:

Н о в ч а б о л а — Тоға! Бу ерда нима қурасизлар?
Л о й и ҳ а ч и — Мақбара...

Бақалоқ бола – Кимга мақбара?

Лойиҳачи – Оламнинг ёруғ юлдузи бўлган инсон мақбараси шу ерга қурилади. Танийсизларми?

Болалар чуурлашиб бир бировларига қарайдилар.

Новча бола – У киши ким бўладилар?

Бақалоқ бола – Авалиёми, подишоми, шу жойда ўтганлардан бири, улуғи бўлса керак-да, а, тоға?

Лойиҳачи – Юртдошингиз бўлмиш бу улуг зотни билмайсизларми? Мактабда ҳам эшитмаганмисизлар?

Бақалоқ бола – Муаллимларнинг ўзлари ҳам билмайдилар, билишса айтишарди...

Новча бола – Ўзингиз айта қолинг, жон това?

Лойиҳачи – Бўлмаса манави топишмоқларга жавоб беринглар. Жавобини топсаларингиз бу мақбара кимга ва нима учун қурилаётганини осонгина билиб оласизлар.

Болалар чувирлашиб кетади.

– Қандай топишмоқ?

– Айта қолинг!

Лойиҳачи – Яхшилаб қулоқ солинглар. Американи кимнинг қалити билан очганлар?

Болалар ҳайрон бўлишиб, елка кисиб, қош чимириб, лабларини бурадилар.

Новча бола – Американи қалит билан очиб бўларканми?

Бақалоқ бола – Қалит билан эмасдур. Топишмоқ деяпдилар-ку. Ўшанга яқинроғини айтинг, тоға.

Лойиҳачи – Масалан, Ерни ким юмалоқ қилган?

Болалар ҳайрон бўлиб чувиллашади.

Новча бола – Ўзи бўлгандир-да...

Бақалоқ бола – Биламиз. Худо шундок яратган.

Новча бола – Жинни бўлдингми, Худога Кувада мақбара қуришармиди, а, тоға?

Болалар – Ўзингиз айта қолинг, тоға!

Лойиҳачи – Топишга осон қилиб айтаман. Ернинг қомати юм-юмалоқ, деб дунёда энг биринчи ким айтган? Яхшилаб ўйланглар. Ундан кейин Ой куйишию Қуёш тутилишини олдиндан ким башорат этган? Қани, топинглар-чи.

Болалар ўйланиб коладилар.

Н о в ч а б о л а – Топишмоқларнинг ҳаммасини айтинг, ўйлаб-ўйлаб, бир йўла жавоб қиласиз.

Л о й и ҳ а ч и – Бўпти. Куёш соати ясаб, сув тарозуси қурган, минглаб юлдузни ўлчаб чиқсан фала-киёт ҳисобдони ким? Яна савол: дунёда биринчи бўлиб километр, кубометр ўлчовини ким яратган? Арабистонда бир эмас, икки Расадхонани ким қурган? Тағин биттаси: «Нилометр» Нима? Уни ким, нима учун ва қаерда қурган? Охирги топишмоқ: «Самовий ҳаракатлар ва умум илмий нужум китоби» деб ном олган ва фалакиёт илмига асос соглан асарнинг мумтоз муаллифи ким?

Болаларчувиллашиб кетади.

Н о в ч а б о л а – Ҳех, ҳе, бу топишмоқларни олимлару профессорлар ҳам тополмайдилар. Бизи калла академия эмас-ку!

Б а қ а л о қ б о л а – Ўзингиз айта қолинг, жон тоғажон.

(*Болалар чувиллашиб*) Айта қолинг!..

Л о й и ҳ а ч и – Ул зотнинг исми Аҳмад, отасининг номи Муҳаммад, тахаллуси Аҳмад Фарғоний, Оврўпада, Ал-Фраганус дейдурлар.

Н о в ч а б о л а – Шу ерда туғилган эканми?

Л о й и ҳ а ч и – (*Болаларга бармоги билан кўрсатади*). Аҳмад Фарғоний хув авали жойда, шундок пастда, ана шу кўқдарвоза ҳовлисинда туғилган эканлар...

Болалар ўша томонга югуриб кетади.

Иккинчи кўриниши

Аҳмад Фарғоний туғилган уйда Аҳмаднинг онаси Момо чок тикиб ўтирибди. Дараҳтзор ҳовлига қараган дераза ойнаси олдида ёшгина Аҳмад тоғлар орқасидан аста кўтарилиб чиқаётган ва ҳовлидаги хурмо дарахти баргларига олтин танглар сочиб турган ҳилол қўёшни томоша қиласида, волидасига тъзим қилиб, супага чўкка тушиб ўтиради.

А ҳ м а д – Момо, а, момо! Бир гап сўрасам рухсатму а, Моможон?

М о м о – (*Аҳмадга табассум қиласи*). Сўранг, қўзичофим. Рухсат.

А ҳ м а д – (*Аста гап бошлиайди*). Куёш бола кечада тоғ орқасидан ўрмалаб чиқиб, хурмомиз япроқлари-

га тангалар ташлаган эди. Бугун ҳам худди шундоқ қилди. Нега, а, момо? Қуёш бола кечаси ўша жойда ухлайдиларму, а, моможон?

М о м о — Оллоҳнинг иродаси бу, қўзичофим. Ҳар куни шу бўлур такрор.

Она чок тикиб ўтиради.

Аҳмад ташқарига чиқиб яна қайтиб киради-да, салом таъзим бажо қилгач, гап сўрамоқчи бўлиб оғиз ўнглайди, буни тушунган онаси ундан олдин савол ташлайди:

М о м о — Сўрай қолинг; қўзичофим, яна қандай жумбоқ топиб келдингиз? Қулоғим сизда.

А ҳ м а д — Айбга буюрмасинлар, Момо, яна бир сўровим бор. Қуёш бугун ҳам минора орқасига яшириниб олевди, теварак-атроф қизариб кетди. Ҳаммаёқ қон бўп қолди. Нега шундоқ бўлдийкин, а, моможон?

М о м о — (*Чок ишини тўхтатиб*). Ҳамма нарса Оллоҳнинг амри билан бўладур, қўзичофим. Кизарган қон эмас, уни шўъла дейдурлар.

А ҳ м а д — Юлдузлар-чи? Кеча пичасини сановдим, қолганини бугун санаб саноғига етолмадим. Ҳаммаси бўлиб осмонда нечта юлдуз бор? Нега аларнинг бири чакнайди, бошиқлари милтиллайди?

М о м о — Муаллим, мударрисдан сўрамадингизму?

А ҳ м а д — Сўрасам, бу сабокни кейин ўтамиз дейишди, болалар эса, сочинг нечталигини санадинг-ку. Буни ҳам ўзинг санаб ол, деб мазахлашди.

М о м о — Ундей бўлса, мунажжимга боринг, қўзичофим. Ул зотни ҳамма Устоз дейди. Ул мавлоно сизга ҳам устозлик қилсинлар. Падари бузрукворингиз ул зот бирлан ўзлари гаплашиб кўюрлар.

А ҳ м а д — (*Кўл қовуштириб таъзим қиласди*). Қуллук!.

Баттол киради.

Б а т т о л — Аҳмад!

А ҳ м а д — Лаббай! Ассалому алайкум Баттол оғайнини.

Б а т т о л — Биз билан бирга бўл, Аҳмад. Биз Коровул тепага пойгага кетаяпмиз.

А ҳ м а д — Узурим бор. Авф этгайсизлар.

Б а т т о л — (*Пичинг оҳангида*). Устозингта бораяпсанму? Ўқийвериб каллаварам бўп қолмагин тағин. (*Гапи Аҳмадга ёқмаганини сезгач, ўзгаради*). Ха, бугунча майли, эртага даста ўйнаймиз. Устозингни қизини

ҳам бошлаб бор. (*Пўписага ўтади*). Бу гал ҳам келмасанг, ўзингдан кўр!..

У ғойиб бўлади.

Аҳмад кўчага отланаётганида мунажжимнинг қизи келиб қолади, Аҳмад хурсанд бўлиб кетади.

Аҳмад — Ассалому алайкум Парчиной. Не юмушлар бирдан қайларга борурсиз?

Парчиной — (*Ойдек тўлиб, қоп-қора кўзларини пориллатиб*). Заргарликка борурман. Буюртмамиз бор эрди. Йўлда Сизга учраб ўтишни буюрдилар.

Аҳмад — Заргарликкача ҳамроҳингиз бўлайинму, кўмагим зарур бўлиб қолгусидир.

Парчиной — Ташаккур. Ҳозир бу ерга Устоз келадурлар.

Аҳмад — (*Соатга қарагандай қуёшга кўз ташлаб олади-да, шошилади*). Вакт яқинлаб қолибдур.

Парчиной чиқиб кетади.

Мунажжим Устоз китоблар кўлтиқлаб келади. Унга пешвоз чиққан Аҳмад эҳтиром бажо қиласди.

Аҳмад — Ассалому алайкум, Устоз ҳазратлари!..

Устоз — Ва алайкум ассалом! (*Сұна түрига ўтиради*). Ўғлон Аҳмад ибн Муҳаммад ўзлари ҳам ўтирсинлар. Сабоқларни битирдингиз-му?

Аҳмад — (*Чўкка тушиб ўтиргач, мулоийимгина сўрайди*). Айбга буюрмасинлар, Устоз ҳазратлари. Осмонда неча юлдуз бор? Шуни сиздин сўрагум келди.

Устоз — (*Ўйланиб тургач, мулоийимгина жавоб қиласди*). Ажиб жумбоқ ташладингиз, Аҳмад ибн Муҳаммад ўғлон. Ҳазрат аллома Батлимус ҳам аларнинг аниқ саноғига етолмаганлар. Аммо «Ал-мажастий» китобларида тахмину жумбоқлар мавжуд.

Аҳмад — Ул ҳазратнинг «Ал-мажастий» номли китобларини ўқиёлмадим. Бизнинг кутубхонада Батлимус ҳазратларининг асосий китоби йўқ экан. Умидим Сиздан...

Устоз — Шаъмангизни тушундим, Аҳмад ибн Муҳаммад. Аларни Сизга ўзим олиб келдим. Шартим шулки, китобларни шул ерда ўқиб, ўзимга қайтариб берурсиз. Мен мачитдан қайтаримда яна киурмэн.

Аҳмад — Иншооллоҳ шундай қиурмэн. (*устоз чиқиб кетаётганида илтижо қиласди*). Яна бир лукмага рухсат сўрағайман, Устоз ҳазратлари.

Усто з — Гапирсинлар, ўғлон ибн Мұхаммад.

Аҳмад — Батлимус ҳазратларининг бир шевасини тушумадим.

Усто з — Хўш, нима экан?

Аҳмад — Ҳазрат Батлимус «Ер бир жойда қотиб қолган жисмдур. Ва ул ҳеч қаёнга силжимайдур» дебдурлар. Нега бўлмаса Ер қимирлаб зилзила ҳосил қиласадур?

Усто з — Бу сирни Оллоҳдан бошқа бандаси ҳануз англаганича йўқ. Балки Сизларнинг авлодингиз бу сирни оламга ошкор қилурлар...

Устоз чиқиб кетади.

Аҳмад — Момо, Сиз ётиб дам олинг, мен Устоз келтирган китобларни кўриб кўяй, уларни эртага қайта-ришим керак.

Момо — Сиз ҳам узоқ ўтириб қолманг, қўзичогим, эртага ҳам кун бор.

Ичкарига кириб кетади.

Аҳмад — Хўп бўладур.

Аҳмад берилиб китоб ўқишга тушади. Китоб варақла-рида унинг кўзига нималардир кўринади ва кўзига кўринган ходисаларни овоз чикариб гапира бошлади.

— Каёқка? Ана бир гала юлдузларни бошлаб юрган тўлин ой ҳамсояларидин ажралиб, куёш атрофида айланниб юраркан, унинг гирдобига тушди, бундин жаҳли чиққан қуёш уни нарига ҳайдамоқ учунми, ойга ўт пуркай бошлади. Хей, оймомо, коч, куйиб кетасан! Тезроқ коч, ёниб кетасан! Қоч! Қоч!

Момо — Нима бўлди, қўзичогим?

Аҳмад — Ой куйиши керак. Ҳозир ой куяди... Ие, ана — осмон тунт. Кўқдан кўланса ҳид думогимга киряпти. Чиқинг, момо, кўкни бир томошо килинг-чи...

Момо — Ўзингиз ўз кўзингиз бирлан кўрдингму?

Аҳмад — Варақлар устида, ҳарфлар орасинда кўриняпти... Сиз осмонга қаранг.

Момо — Чиқайнчи... (*тезда қайтиб киради*). Ҳеч нарса кўринмайдур.

Аҳмад — Тағин чиқинг, энди куяди.

Момо — (*ташқарига чиқадию қайтади*). Башпоратингиз рост, қўзичогим. Ҳозир падарибузруқворингизни чақириб чиқадурмен.

Эр-хотин бошлишиб ҳовлига чиқишиади.

Мұхаммад — Ой куйяпти? (*Озон чақириб юборади*).

М о м о – (Калима келтиради) Ло илоҳо иллоллоҳ.

Шу пайт мачит сўфисининг озони эштилади... Сўнгра кўни-кўшнилар томларга чиқиб, домбра, жом, тунука чала бошлайдилар.

Эр-хотин ичкарига қайтиб киради.

М у ҳ а м м а д – Кўчага қачон чиқдингиз, ўғлон?

А ҳ м а д – Жойимдин жилғоним йўқ.

М у ҳ а м м а д – Ойнинг куйишини қайдин кўрдингиз?

А ҳ м а д – Кўзимга кўринди. Китоб варакларинда кўрдим. Жуда қизик...

М у ҳ а м м а д – Қани, қани, сўйлайверинг, ўғлон.

А ҳ м а д – Қизик бир ажойиботни кўрдим. Бир ҳафта бурун мана шу ойни яримта нондай кўрувдим. Кеча юм-юмалоқ, оппоқ эди. Бугунгиси ана бундоқ, нима учун, а момо? Нега шундака бўлади, а, моможон?

М о м о – (Мұхаммадга). Дадаси, бу чечан ўғлоннингизга сира гап топиб беролмайман, сўрагани сўраган. Бу нима? У нима? Нега ундоқ? Нимага бундоқ? деявериб гангитиб юбораяпти мени.

А ҳ м а д – Билгим келаверса нима қиласай, сўрайман-да. Билишим керак-да. Кечаги оппоқ ой нега бугун саполга айланди, а? Падари бузрукворим, бирор қонунияти бордирки, шундокдур-да.

М у ҳ а м м а д – (Ўйлаб олгач). Ибодатхонада юонон олими бор. Ул зот осмонда учган, ер остида фимирлаган нарсаларнинг қонуниятини биладур. Афлотуншунос файласўф. Қонуниятларини ўшал зотдин сўраймиз.

Миршаб киради.

М и р ш а б – (Мұхаммадга). Ясама худойинг бирлан тилемонинг қаерда?

М у ҳ а м м а д – Алҳамдуиллоҳ мажусий эмас, мусулмондурмиз. Мабудаю тилемонди сояси ҳам йўқ бизда.

М и р ш а б – Бўлмаса ойни нима бирлан куйдирдинг? Маъбуданг нола қилиб, тилемонинг каромат кўрсатғон эмишку!

М у ҳ а м м а д – Ўлимдин хабарим бор, аммо бу ишдин хабарим йўқ. Каранг, уйимиз очик.

Миршаб уйни тинтиб чиқади.

М и р ш а б – Аҳмад ибн Мұхаммад ким?

А ҳ м а д . Мен...

М и р ш а б – (Ҳайрон бўлиб). Сенму? Ҳали

сихгарлик қилдингму? Ой куйишини қайдин билдинг, тирранча?

Аҳмад — Афлотундин билдим. Билиш назариясини ўқиб ўтириб эдим. Табиат ҳодисаси юз берди... Ақл бирлан фалак ахискини ҳам билиш мумкин, дебдур ул устоз.

Миршаб елкасини қисиб, чиқиб кетади.

Аҳмад — (*Отасига*). Борамизму?

Муҳаммад — Олдимга туш!

Чиқиб кетадилар.

Учинчи кўриниш

Кундуз куни. Ибодатхонанинг қоронғи чиллахонасида юон уламоси шаъм ёқиб ўтирибди.

Муҳаммад, Аҳмад киради.

Юнон — Хуш келибсизлар, мусулмон биродарлар. Каминага қандай хизмат буюргайсизлар?

Муҳаммад — (*Аҳмадни кўрсатиб*). Шул ўғлонга қадимги юон файласўфиясидан сабоқ берсангиз, деб ўтиниб келдик.

Юнон — Бош устига, жаноблар. (*Отасидан сўрайди*). Ўғлонингиз юонча биладурму?

Аҳмад — Оз-моз билурман. Тарихингизни юон тилинда ўқидим. Қадимги юон фалсафасидан чала-чулпа хабарим бор. Афлотун бирлан Арасту китобларидин яримта-юримтасинигина топдим.

Юнон — (*Ағсусланиб*). Босқинчилар куйдириб юборишган. Ўғлон, сиз ўзишни ва шунча тилларни қайдин ўргандингиз?

Аҳмад — Ўқипи, ёзишни волидаи қиблагоҳим ўргатдилар.

Муҳаммад — (*гапга аралашиб*). Тилларга тилчи муаллим ёлладик. Ўғлоннинг зеҳни тез, бир бор эшийтганини қўймоқ қилиб оладур.

Юнон — Афлотун, Арастуларнинг ёшлигига ўхшар экан, бу ўғлоннинг болалиги.

Аҳмад — Арасту ўз устози Афлотунни танқид қилибдур. Асосини англамай хайрондурмен... Исботини ўқий олмадим. Сизда ҳамма китоблари бор эрмуш. Китоб қарамай ҳам айтиб берурмушсиз. Сизнинг сабоқларингизга мухтождурмен.

Ю н о н – (*Аҳмадга ҳайрихоҳлик билан боқади-да, ижобий жавоб қилади*). Сиздай ёш истеъоддага эшиклирим очик. Ҳафтада бир чоршанба кунлари кечки ибодатдан кейин учрашурмиз. Илк сабокни ҳозирдаёқ бошлаймиз.

М у ҳ а м м а д – (*Ибодатхонани тарк этаётуб*). Кундузги вақтни сўрай қолмадингиз-да, ўғлон?

А ҳ м а д – Кундузи ўзимни вақтим йўқ-да! (*Бармонини бўғзига тақаб*) Мана бундок!..

Муҳаммад чиқиб кетади.

А ҳ м а д – Нимадин бошлаймиз?

Ю н о н – Нимадин хоҳлайсиз? Балки, сўроқларингиздин бошлармиз.

А ҳ м а д – Сўроқларим жуда кўп-да!

Ю н о н – Демакки, кўп нарса ўқиб улгурибсиз. Яхшики, дастлабки сухбатта мавзулар тайёр экан.

А ҳ м а д – Батлимуснинг «ал-Мажастий» китобининг ярми кутубхонада куйиб кетган экан.

Ю н о н – Афсуски, араб истеълочилари урушда кутубхонага ўт кўйиб юборган эдилар.

А ҳ м а д – Афлотун ила Арастуларнинг китобларини топдим, ёлғон бўлмасин, менга мунажжим Устоз келтириб бердилар.

Ю н о н – Барака топсун!

А ҳ м а д – Сизнингча, Арстокл, бизнингча, Афлотун ҳазратларининг Сизнингча, «Эйдос» бизнингча ғоя масаласиндаги фикрларига Сизнингча Арстотел, бизнинг Арасту карши чиқибдур. Шунинг асосий сабаби нимада, ахир бул зот Афлотуннинг мактабида ўқигон шогирди эди-ку!

Ю н о н – Қарши чиққани бирлан илоҳий дунё қарашда Арасту Афлотун устозиндан узоққа кетгани йўқ.

А ҳ м а д – Давлат масаласинда-чи?

Ю н о н – Бу масалада иккиси икки қирғоқда. Масалан, Афлотун идеал давлат назариясини ёқлаган. Арасту эса уч тоифа ҳалқнинг ўртачаси ҳокимлик қилсун, юқориси ҳам эмас, тубани ҳам эмас, дейдур.

А ҳ м а д – Ҳаддин ташқари демократия ҳам керак эмас! дебдур, ул ҳазрат.

Ю н о н – Баракалло!

А ҳ м а д – Афлотун ҳазратларининг билиш назариясинда қизиқ бир гап бор. Масалан, риёзиётда кўндаланг бўлғон муаммоларни ҳам ақлий йўл бирлан ечиш мумкин, дебдурлар.

Ю н о н – Тўғри, Афлотун бош Китобининг «Билиш назарияси» бобинда риёзиёт объектларини ақлий йўл бирлан билиш самарали айтилган. Шу китобни Сизга берурмен. Шу ерда ўқиб, жойида қолдириб кетасиз. Андин сўнг, савол-жавоб яна давом этади.

А х м а д – Яна бир саволим бор.

Ю н о н – Марҳамат.

А х м а д – Афлотун ҳазратлари борлиқнинг шакли йўқ. Ул гоялар туфайли яшайдур. Ҳиссий нарсалар эса, анинг мевасидур, дебдурлар. Бизнинг мударрис ўзи араб. Икки гапнинг бирида ҳиссиётга берилма, кофир бўлурсен, деб турадур. Қайси бири тўғри?

Ю н о н – Бул хусусда ҳам Сизга юонон тилинданги бир китобни берурмен. Кечаси ўқиб чиққач, қайси бири тўғри эканини ўзингиз билгилайсиз. Маъкулмуму?

А х м а д – Маъкул, домла ҳазратлари.

Ю н о н – Чоршанба оқшомигача хайр!

А х м а д – Хайр, омон бўлинг.

Чиқиб кетади.

Тўртинчи кўрининш

Шаҳар мактабининг кенг дарсхонасида талабалар девор айланана тахта тўсиқ ортида якандозларда ўтирибдилар. Толибларнинг китоб, дафтар, довотлари ҳам ўша тахта устида.

Тўрда Мударрис. У толибларнинг дафтарларини текшириб ўтирибди. Ҳамма толибининг эътибори унга қаратилган.

М у д а р р и с – (*Бир қўлёзмани қўлига олиб*).
Толиб Баттол ибн Сатим Карвон!

Б а т т о л – (*ўрнидан туриб, қўл қовуштиради*).
Лаббай, мударрис жаноблари!

М у д а р р и с – Ёзма ишимиз нима, қандай мавзуу ва нима хусусинда эрди?

Б а т т о л – Рафи ибн Лойс қўзғалонининг бостирилишинда Маъмун жанобларининг доно хизматлари хусусинда эди.

М у д а р р и с – Бу нима қилиқ? Мақсад бўёқда қолиб, синфдошларингизни масхаралаб ёзибдурсиз.

Б а т т о л – Урушларнинг сабабчиларини ёздим-да.

Мударрис – Синфдошингиз Аҳмад ибн Муҳаммад энди ўн тўрт – ўн беш ёшдаги нораста қандай килиб урушлар сабабчиси бўлсун?

Баттол – Ой куйиши худодин бўладур, ул тирранча ой куйишини олдиндан билдим, деб юрибдур. Урушлар ана шу хил кофирларга қарши чиқади-да. Абомуслим ила Муқанна хусусинда нималар деганидин бехабарсизму?

Мударрис – Нималар дебдур?

Баттол – Лойс ўлдирилғон билан ўлмаган эрмуш. Ул зот кабутарга айланиб учиб юрганмуш. Араблар халифасига қарши яна қўзғалон кўтарармуш ахир бир кун...

Аҳмад – Ёлғон! Бўхтон! Исботингиз қани? Қани гувоҳинг?

Мударрис – Рост айтадур. Нима бирлан исботлайдурсиз?

Баттол – (*Мударисга*). Нега мажусийнинг тарафини олурсиз?

Аҳмад – Ким мажусий?

Баттол – Сен мажусий. Сен... Сени қараб тур! Хали кўчада жizzангни оламан!

Мударрис – Ҳаддингиздин ошманг, Баттол (*унинг дафтарини иргитади*). Мана шу ахлоқсизлик учун ва ҳозирги беодоблик сабабидин палақقا осилурсиз. Халиф!

Мактаб ҳалифи – Лаббай!

Мударрис – (*қўйл қовуштириб турган Халифга*). Танаффустгача палақда осилиб турсун бул беахлоқ!

Халиф Баттолни олиб чиқиб кетади.

Аҳмад – Менинг дафтаримни ҳам кўрдингизму?

Мударрис – (*Дафтарини варақлаб, елкасини қисади, юзи тиришади*). Аҳмад ибн Муҳаммад!

Аҳмад – Лаббай, Устоз!

Мударрис – Сира тушунмаяпман. Нималарни ёздингиз? Масаламиз тарихдан эди. Жайхун ва Сайхун атрофиндаги урушлар, қўзғалонлар ва аниг оқибати масаласинда эди. Сиз бул масалани риёзиёт йўлинда ечибсиз. Бу ёзувлар араб ҳисоблашиға ҳам зид-ку!

Аҳмад – Теппасидагиси Римча... Ўртасидаги арабча, якуни Хинд ҳисобида...

Мударрис – Нима учун деб сўраяпман.

Аҳмад – Илми риёзийни фалсафий фикрда

ўзимча бир тадқиқ қилиб кўрдим. Рим ва хинд ҳисоблаш усуллари бирлан сал-пал танишиб эдим, қизиқиб қолдим Устоз. Шул бир мисолни уч усулда машқ қилиб кўрдим.

Мударрис – (*Дафтарини қўлига беради*).
Ўзингиз англатинг булатингизни менга!

Аҳмад – (*Дафтарни қўлига олиб, баён этади*). Арабча ечим яъни сўзлар билан ҳисоблағанимда бир тахта қоғозга сифмади. Римча ёзув ҳисобида ҳам ёқмади. Негаки, уч сон учун учта алиф ёзиладур. Андин ўёғи Хитой ҳарфлари яъни йероглифларига ўхшаб беўхшов кўринадур. У ҳам чўзилиб кетаркан. Хинд рақамлари менга маъқул тушди.

Мударрис – Нимаси маъқул?

Аҳмад – Рақамлари маъқул. Ихчам ва содда. Аммо анинг паёнига етғаним йўқ. Насиб қилса, хинд ҳисобини ўрганурмен, иншоолло!

Мударрис – Ҳай, ҳай, Аҳмад ибн Мухаммад, зинхор, зинхор бул ишни унутинг. Сиз будда дини тарифотчиси бўлиб, айбланурсиз. Арабларнинг гурзуси Кубода не-не будда ибодатхоналарию не-не маъбудаларни вайрон қилмади. Сизнинг бул ёш бошингиз ўшал маъбудалардай чил-чил синади-ку!

Аҳмад – Мен андин наридурумен.

Мударрис – Мана бу ёзма ишингиз-чи!.. Осмонга қараб, ойга пол очганингиз-чи...

Аҳмад – Бул ишда мен Афлотуннинг билиш усули, яъний бутунни қисмларга бўлиш ва қисмларни яна бутунга айлантириш усули билан ишладим. Искандар Зулқарнайнинг тарбиячиси бўлғон Арасту ҳазратларининг ҳамма масалани, тарих ҳодисаларини ҳам, ақл билан билиш мумкин, деган кўрсатмасиға амал қилдим-да, ўйлаб, ўйлаб, Афлотуннинг бутунни қисмларга бўлиш ва қисмларни яна бутунга айлантириш йўли билан ишладим. Натижаси шундоқ чиқдики, бўлакларга бўлиниб кетган бир бутун Араб ҳалифалиги миллиард динар йўқотибдур. Кейин бўлинғонларни қайта бутунлашға ундин ҳам кўп динар кетибдур. Ақл ишлатиб кўрсам ёстири куриғонлар ва шаҳид ўлғонларни ҳеч нарса бирлан баҳолаб бўлмас экан. Андин на қисм ва на бутун ҳосил бўладур. Хулоса ўшал урушларнинг якуни хинд рақамида ноль, яъни тешик ҳалқа бўлиб чиқди.

Мударрис – Сиз Лойс тарафиндамусиз?
Бундин чиқди Баттол ҳақли эканда.

Аҳмад — Йўқ. Мен Маъмун ҳазратларини ёқлайдурмен. Ул зот қисмларга булинғон бир бутунни туркйлар кучи бирлан яна бир бутун қилди. Ул зот ҳақиқий ғолибдур.

Мударрис лол бўлиб қолади.

Устоз киради.

Устоуз — (*Мударрисга*). Халифалиқдин бир вакил бирлан икки араб сайёхи келибдур.

Мударрис — Мактабимизни кўрмокчиларму?

Устоуз — Шундай, мударрис жаноблари.

Мударрис — Толибларга озод бериб юборайму?

Устоуз — Энг истеъоддли толибларингиз қолсун.

Мехмонлар алар бирлан мулоқот қилмоқчиудурлар.

Мударрис — (*Толибларга*). Ҳаммангиз озод!

Болалар чикиб кета бошлайди.

Устоуз — Аҳмад Ибн Муҳаммад қолсун. Менимча, аларнинг мулоқотига бул зотдин ўзга номзодимиз йўқдур.

Мударрис — Ул шогирднингиздин ихлосим қайтди. Мажусий ихлосиндаги шогирдни халифалиқдин келрон асилзодаларга тавсия қилсан, бурдимиз кетмасмикин? Аҳмад ибн Муҳаммад «Исёнчи Лойс тирик» дебди. Ул кабутарга айланиб учиб юрибдур. Бу ул яна араблар зулмиға қарши кўзғалон кўттарур, деб айтгани эмасму?! Мажусийларни Бағдодда ҳам қирмоқда эмушлар.

Устоуз — (*кулади*). Афлотуннинг «Жон» ҳақидаги таълимоти тавсифини кимдур нотўғри талкин қилғонга ўхшайдур. Бундай янгилиш можаролар менинг дарсимда ҳам бўлиб турадур. Ул толиб қадимий юонон файласуфларини сизу биздин чуқурроқ англайдур.

Мударрис — Асилзода меҳмонлар бундин ўзгача хабар топсалар-чи?

Устоуз — Ул ҳолатда анинг ўзи доно жавоб қила билур. Биз ўз шогирдларимиз хусусинда бирор эҳтиёт-сизлик қилиб қўйишдин тортиналлик.

Уч меҳмон киради.

Мударрис — Хуш келибсиз, азиз меҳмонлар! Кани ўтирунлар.

Ўтирадилар.

Усто з – (*мехмонларга*). Сиз мўътабарли жа-
нобларга толибларимиз ичиндин фақат Аҳмад ибн Му-
ҳаммадни тавсия килурмен. Ул зот уч ёшида ўкиш,
ёзиш саводини чиқарғон. Беш ёшинда шу мактабга
келғон. Ҳозир кўп тилларда мутолаа қила оладур. Қа-
димги юон фалсафасини бир олимча биладур. Фала-
киёт сирини билишфа жуда-жуда қизиқадур. Илми
риёзийдин эса ул зотнинг олдида биз мударрислар
ҳам зайибдурмиз.

Дариссалом вакили – Ўшал толиб
бирлан мулоқот қилсан бўлурму?

Мударрис – Бўладур, аммо ул зот киргунича
анинг ҳозиргина қўлимга тушған бир тадқиқоти бирлан
танишиб олсаларингиз сухбатга мавзу топилармиди.

Дариссалом вакили – Толиб тадқиқоти
бирлан, дедингизму?

Мударрис – Янглишғоним йўқ. Ул топиб
Афлотун бирлан Арастунинг билиш назарияси асосинда
Рим, араб, хинд ҳисоб усуулларида, ҳатто биз билмағон
ракамлар ишлатиб, риёзийда иншо битибдур. Анинг бу
ишиға тишим ўтмайди. Мана, ёзувлари...

Мехмонлар ёзувларни қизиқиб кўрадилар.

Дариссалом вакили – Бизга ажойиб
топилдиқ бўлди-ку, бул толиб. Анчайин олимлар ўйла-
магон йўлда изланибдур.

Биринчи сайёҳ – Офарин! Уч халқнинг
хисоблаш усулиға назар ташлабдур.

Иккинчи сайёҳ – (*Дариссалом вакилига*).
Сиз танлаёттан шогирдларнинг сардори бўладурғон бола
топилдиёв...

Муддаррис – Ўзини чакирайму?

Дариссалом вакили – Кирсун!

Муддаррис – (*Эшикни очиб*). Аҳмад ибн
Муҳаммад! Киринг!

Аҳмад киради-да, таъзим қилади.

Аҳмад – Ассалому алайкум! Буюрсинлар, азизу
фузалоларим!

Дариссалом вакили – (*Ихлосданми ёки
синамоқ учунни*) Тавоф дуосини Сиздин эшитгум бор
эрди.

Аҳмад – (*Қиблага юзлануб, дуо бошлайди*).
Оллоҳим менга берган рисқингдин қаноат бер, уни мен
учун баракали қил. Менда йўқ ҳар нарсанинг янада
яхшироғини ато қил. Омин!

Б и р и н ч и с а й ё х – (*Унинг илму билимини синамоқ ниятида*). Риёзиётда ҳам Кубода сизга тенги йўқ дермушлар. Нималарни яхши билурсиз?

А ҳ м а д – Билмаганларимни айтсам майлиму?

Б и р и н ч и с а й ё х – Марҳамат, толиб, қулоғим сизда.

А ҳ м а д – Ҳисоблашларнинг содда йўлларини тополмаяпман. Яна биттаси илми риёзий формулалари, янгича геометрик шакллар қидиряпман. Жуда қийин бўляпти, ҳазратим. Умидим бор: иншооллоҳ топадурмен.

Д а р и с с а л о м в а к и л и – Мана бу дафтардаги машқларингизни айтурсизму?

А ҳ м а д – Бу машқ риёзий илмда фалсафий изланишларининг биттаси.

Д а р и с с а л о м в а к и л и – Риёзиёт ҳам фалсафага кирадурму?

А ҳ м а д – Афлотун риёзиётни ҳам фалсафий йўл бирлан билса бўладур дебдурлар. Арасту эрса, риёзиёт орқали сабабиятни билса бўлур, дебдурлар. Ана шу фикрларга таяниб кўрдим, азиз фузалоларим.

У с т о з – (*Мехмонларга юзланиб*). Суҳбатдин қаноат ҳосилму?

Б и р и н ч и с а й ё х – Шаҳрингиз бизни тасвирий санъати бирлан мафтун этганди. Кейин мусиқа... Тор фарёди...

И к к и н ч и с а й ё х – Бу ерда кўрганларимизни Ахсикан, Ўзгану Ўшда ҳам кўрмадик. Кубода қадимги ибодатхоналар иншооти санъати, ажойиб ва гаройиб, нафис ишланган маъбудалару мис, олтин ва кумушдин ишланган ажойиб буюм намуналари санъатига маҳлиё-миз.

Б и р и н ч и с а й ё х – Кубонинг ҳудуди, боғу бўстони ва оқар сувларию нозик табиати, ҳавоси мусаффолиги, эл маданияти биз кўрган шаҳарлардин устун турадур. Айникича, ёш истеъододларга бой эркан бу азим шаҳар.

И к к и н ч и с а й ё х – (*Аҳмадга*). Фалакиётта жуда қизиқар эмишсиз. Сўровларингизга аниқ жавоб топа билаяпсизму?

А ҳ м а д – Чакалоқ эканимда ҳовлида осмонга караб ётардим. Кечалари ой ила юлдузлар бирлан ўзимча гаплашиб чиқардим. Тонгда эса, дараҳт орқасидан куёш чиқишини, кеч бўлса минора орқасига беркинишини кузатардим. Ҳозирда ҳам шу аҳвол. Шуларнинг сири бошимни қотирадур...

Б и р и н ч и с а й ё х – Сирини англаёлдингизму?

Аҳмад – Уринаяпман. Китоб кам. Кутубхона кул бўлғон. Умидим катта, иншооллоҳ ниятимга эришурмен.

Иккинчи сайд ёҳ – Илоҳо мақсадингизга етинг, Аҳмад ибн Мұхаммад!

Мехмонлар қўзғаладилар.

Аҳмад кўл қовуштириб, такаллуф билан уларни қузатмоқда.

Дариссалом вакили – (*Унинг ёнган кўзларига маънодор боқаркан*). Ташаккур! Сиз бирлан яна учрашурмиз!

Аҳмад чиқиб кетади.

Бешинчи кўриниш

Аҳмаднинг хонаси. Аҳмад атрофига китобларни ёйиб олиб, патниснинг силлиқ юзасида тахта қофоз қўйиб турли-туман рақамларни ёзиб, бош котириб, нималарнингдир ечимини қидирмоқда.

Шу вакт унинг хонасига аста-аста одимлаб шарпасиз Парчиной киради. Унинг орқа томонида туриб олиб, математик машқини қузатади.

Бундан беҳабар бўлмиш Аҳмад ўрнидан турмоқчи бўлиб Парчинойнинг оёғини босиб олади.

Парчиной – Вой! Вой! Оёғим!..

Аҳмад – (*Орқасида турған Парчинойга*) Таажжуб. Осмондан тушдингизму, ердин чиқдингизму? Худди париштага ўхшаб кўриндингиз...

Парчиной – (*Кулимсираб*). Сиз ҳаммани ҳам шунақа улуғлаб гапирасиз...

Аҳмад – Сиз ўша ҳаммадан бўлаксиз. Хуш келибсиз, Парчиной буюринг, хизмат?

Парчиной – Ўша Баттол устидин қозига ёки Маъмун ҳазратлари номига шикоят битайлик. Устозингиз шуни маслаҳат кўрдилар.

Аҳмад – Оллоҳдин ўзга қози не керак. Ҳаммасини Оллоҳ кўриб турибдурлар-ку!

Парчиной – Баттолнинг дадаси инсофли инсон экан. Сизни ҳақорат қилғони учун ўғлонини роса калтаклабдур.

Аҳмад – Булбулдин карқуноқ турилибдурда.

Парчиной – (*Аҳмадга*). Баттолнинг дадаси Сатимкарвон Боғоддога юк жўнатяпти. Анор... Беҳи...

Яхши! Ўтмишда боболаримиз бу ерларнинг қовунини оқ тяяларда, олтин кўзачаларда Месопотамияга олиб борур эканлар.

Шу он Баттол киради.

Б а т т о л – (*Парчинойга*). Мен Сизни қидириб юрибмен. Аҳмад, кечаги қилиғинг учун хуштолта жиззангни олардиму, нозик сафарга кетаяпман-да...

А ҳ м а д – Яхшиликка ёмонлик деб мана шуни айтсалар керак-да. Майли, Сизга даъвойим йўқ. Сафарингиз бехатар бўлсин!

Б а т т о л – (*Парчинойга*), Мен Сизни уйда кутаман. Бағдодга буюртмангиз бўлса, ҳаммаси муҳайё бўлади.

Чиқиб кетади.

П а р ч и н о й – (*Аҳмадга*). Сизни не кунларга соглан Баттолни кечириб юбордингиз шекилли...

А ҳ м а д – Ёмонликни яхшилик бирлан енгмоқ маъкул.

П а р ч и н о й – Яхшиликка фаҳми етадиган Баттол эмас-да бу маҳлук.

А ҳ м а д – Ул маҳлук билмаса, Оллоҳ биладур.

П а р ч и н о й – Дадамдин сўрағон китобингизни олиб келдим. Манг.

Китобни бериб чиқиб кетади.

Парчиной келтириб берган китобни ўқиб ўтириб Аҳмад ухлаб қолади ва уйқусида ажойиб туш кўради. Шу пайт эшикдан ота-она киради.

А ҳ м а д – (*Отасига*). Падари бузрукворим! Бояги оқ тулпор қани?

М о м о (*ҳайрон бўлиб турган эрига*) Ўғлонингиз кутлуғ туш кўрганга ўҳшайдур.

М у ҳ а м м а д – Қани ўғлон, бу кутлуғ тушингизни гапириб беринг-чи!

А ҳ м а д – Сиз менга оқ тулпор миндиридингиз, мен унда улоқ ўнгариб келдим...

М о м о – (*хурсанд бўлиб*) Оқ отга минганингиз Оллоҳнинг мадади. Бугун улуғ айём кунида айниқса улуғвордир бу.

М у ҳ а м м а д – Пайғамбарларимизнинг таваллуд топган кунлари бу кун!

А ҳ м а д – (*сакраб туриб кетади*) Ие, унугтаёзизбман! Бугун Жомий мачитда қироатхонлик анжума-

нимиз бор эди. Каминани ҳам ташрифга даъват айлабдурлар.

М о м о — Анжуманга борурмисиз? Тўхтанг. Андек тамадди қилиб олинг. Иссиқкина лочира, бир пиёла пишган сут.

Онаизор боласига лаззатли таом келтиради. Аҳмад шошибишиб таомни танаввул қилгач, ўрнидан туриб ташқарига равона бўлади.

Шахар ҳокимияти чопари киради.

Ч о п а р — Аҳмад ибн Муҳаммад шул уйда яшайдурму?

М о м о — Ҳа, ха, шу уйда. Ҳозир ўзи йўқ.

Ч о п а р — Ул зотни Марв шаҳриға, халифалик вакили Маъмун ҳазратлари ҳузурига чорламишлар. Эртадан қолмай етиб борсун. Мана даъватнома...

Чикиб кетади.

М о м о — (*Даъватномани бағриға босади*). Қўзиочкни тушида оқ тулпор мингани ростта айлансану.

Аҳмад келади.

А ҳ м а д — Нималардин хурсандсиз, момо?

М о м о — Маъмун ҳазратларидин даъватнома келибдур Сизға, қўзичофим. Тушингизда оқ отға минғонингиз бежиз бўлмағон кўринадур.

А ҳ м а д — (*Даъватномани ўқигач*). Ўша ёқдин келиб кетган меҳмонларнинг изи-кути ярашдиму ёки улуғ айём кунинда баҳт қуши бошимға қўндиму? Борурмен тонг саҳардаёқ йўлға равона бўлурмен.

Кўриниш тамом.

Олтинчи кўриниш

Халифалик вазирининг Марвдаги қароргоҳи. Курсида Маъмун, қаршисида Нух Сомон Худод, Аҳмад ибн Сомон худод, Яхе ибн Сомон худод ва олимлар ўтирибдилар. Тантанали маросим кайфияти...

М а ъ м у н — Сизларнинг тарих олдидағи хизматларингиз бениҳоя буюкур. Катта-катта қўшинлар қилолмаған ишни Сиз туркийлар ухдаладингиз. Араб халифалигига қарши кўтарилғон қўзғолон Сиз туркийлар қучи бирлан бостирилди. Кўзғалончи Рафи ибн Лойснинг

кўллари занжирда. Мана энди бутун халифаликнинг тахтию баҳти тикланди. (*Тик туриб тантанавор гапиради*) Биз қарор қилдик. Халифа қароргоҳи Бағдодга кўчадур. Хурросону Мовароуннаҳрни идора қилиш миллий мулқдорлар кўлиға, сомонийларға топширилур. Сомон Худоднинг ўғиллари!..

Нух, Аҳмад, Яхё ўринларидан туриб, кўл қовуштириб, фармон кутадилар.

Маъмун гапида давом этиб, фармони олийни баён этади.

— Нух ибн Сомон Худод жаноблари!

Н у х и б н С о м о н Х у д о д — Лаббай! (*таъзим ила*) Буюрсунлар.

М а ъ м у н — (*тантана оҳангиди*) Миннатдор араб халифаси бундин бүён Самарқанд вилояти ҳудудида фуқароларни идора қилишни Нух ибн Сомон Худод жаноблариға топширадур!

Н у х и б н С о м о н Х у д о д — (*Куллуг қиласи*) Оллоҳ халифамизнинг қудратига минг бор қудрат қўшгай!

М а ъ м у н — Яхё ибн Сомон Худод жаноблари!

(*У ҳам қўл қовуштириб туради*)

— Сиз Шош ва Ўртатепа ҳудудларини моҳирлик бирлан бошқарувингизга аминдурмиз!

Яхё ибн Сомон Худод — Иншооллоҳ, улуғ халифамиз марҳаматини унутмағаймиз!

М а ъ м у н — (*тантанавор оҳангиди*) Аҳмад ибн Сомон Худод жаноблари!

Аҳмад ибн Сомон Худод — (*Таъзим ила*) Буюрсунлар, ҳазрат олийлари!

М а ъ м у н — Миннатдор араб халифаси падари бузрукворингиз Сомон жаноблари туғилиб ўсган Фарғонадай жаннатмакон ҳудудни ва анинг жами ботир ва истеъдодли фуқаросини бошқаришини Сиз Аҳмад ибн Сомон Худод жаноблари зиммасига юклайдур. Сизга Оллоҳ мадад берсун.

Аҳмад ибн Сомон Худод — Отабоболарим унуб ўсрон ерларға тайин қилғонингиздан миннатдордурмен. Оллоҳ ҳаммамизга ҳамиша ёр бўлғай! Халифамиз дунё турғунча турсунлар.

М а ъ м у н — (*қўлларини дуога очиб, фотиха беради*). Бугундан бошлиб бу ҳудудларда ҳукмдорлик сиз самонийларнинг қаттиқ қўлларингизда бўлғай. Оллоҳ Сизларга омад ато қилсин! Омин!

Ҳамма баробар «омин» деб қўлларини юзларига тортиб бўлгач, янги тайин бўлган амалдорлар таъзим қилиб орқалари билан қабулхонани тарк этадилар.

Хизматчиси кириб, таъзим қиласди.

Хизматчи — Ҳазратим! Шуарою фузалолар, чакирилган толиблар жам бўлиб, Сизнинг амрингизни кутмоқдалар. Рухсатму?

Маъмун — Рухсат.

Хизматчи катта очган эшиқдан бирин-кетин башанг, кийинган олимлар кирадилар. Қўл қовуштириб саф бўлиб турадилар.

Маъмун ҳамма билан кўришиб бўлгач, ўз жойига бориб ўтиаркан, «ўтиинглар» деган ишора қиласди, ҳамма унинг рўларасига чўк тушиб, гўё Куръон тиловатга ҳозиру нозирдай тизилиб ўтиради.

Маъмун — (*Қўл очиб дуо қиласди*) Омин. Оллоҳ тинчлик, осойишталик, барқарорлик ато этсун!

Бугун жам бўлишимиздин мақсад битта. Ҳаммамиз Бағдодга кўчамиз. Сизларни «Байтул ҳикма» яъни «илмлар уйи» деб аталмиш олий илоҳий илмий даргоҳ қутяпти. Сафарга отланинглар!

Ҳамма чиқиб кетади.

Хизматчи киради.

Хизматчи — Тарихчи бирлан сайёҳлар келишиди, кирсунларму?

Маъмун — Марҳамат килсунлар.

Уч киши кириб ўтиради.

Тарихчи — Кўзғолончилар устидан қозонилган узил-кесил ғалабада Сиз, Маъмун ҳазратларининг саъй харакатларингиз бағоят катта бўлғони маҳсус икки бобда баён этилди. Ушбу рисола Рафи ибн Лойс бошчилигидаги кўзғолон ва унинг бостирилиши хусусингдаги битиклардур. Шул битикларға бир кўз ташлаб берсангиз ва унга фикр баён этсангиз кўп миннатдор бўлур эрдим.

Маъмун — (*Рисолани қўлига олиб*). Ташаккур! Биз қылрон ишларга тарихчи назари қандоқ эканини билмоқ бағоят қизиқарлидур.

Шу чоқ сайёҳлар ҳам навбати билан араб халифалигига карши бош кўтарган кўзғолончилар устидан қозонилган ғалабани улуғлаб Маъмунни қутлайдилар.

Б и р и н ч и с а й ё х — Бу кўзғолондин бутун Дариссалом ва Шому Ироқ ташвишда эди. Сизнинг ақлу заковатингиз музafferиятга олиб келди. Сизни халифа тахтига минғонингиз кутлув бўлсун!

И к к и н ч и с а й ё х — Фарғонада ўрнатилган осоиишталик араб дунёсига кувонч келтирди. Сиздин бул ерда ҳам, ул ерда ҳам барча миннатдор.

Б и р и н ч и с а й ё х — Фарғоналиклар Шому Ироқ оламларидин ортиқ бўлса ортиқдурларки, асло кам эмаслар. Сайхун соҳиллари жасоратли одамларга бой экан.

И к к и н ч и с а й ё х — Бу ерларда Оллоҳнинг зехни тушган истеъодод эгаларини қаламга олдик. Кубода, бир норастаи навқирон ёш муллавачча бизни мафтун этди. Ул зот анчайин уламолардин устун кўринадур.

М а ъ м у н — Толиб Аҳмад ибн Мухаммадму? Дариссалом вакили ҳам андин ниҳоятда мамнун эканин билдириб эди.

И к к и н ч и с а й ё х — Билар экансиз, ҳазрат. Худди ўшал зот хусусинда фикр айтмоқчидурмен. Ёш бўлишига қарамай, кўп хислату ҳикматларни эгаллабдур. Ақл ёнда эмас, бошда. Ул ўғлон ўз ҳаракатлари илиа етук риёзатчи ҳам бўлиб олибдур. Тарих ҳақиқатига доно баҳо бериши ҳам бизни қойил қилди.

Б и р и н ч и с а й ё х — Кўп тилларни билишига ҳам қойил қолдик. Мутолааси зўрлигидан устозлари китоб етказиб улгурмаётирлар. Юончами, хиндучами, арабчами, қайси тилдаги китоб қўлига тушса, ани шариллатиб ўқийвераркан.

И к к и н ч и с а й ё х — Ул зот ҳар жиҳатдин балофатга етибдур. Бу ўринда Сизнинг Исломни ўрнатишда эркин йўл туттанингиз хўб яхши бўлибдур. Доно тадбир ила эркинликка йўл очиб берисиз. Йигит-қизлар толиблар эркин мулоқотда бўлишларини кўриб ҳавас қилдик.

Б и р и н ч и с а й ё х — Яна ўша Аҳмад Ибн Мухаммадга келсак, афсуски, Кубо ул зотга тор бўлиб колибдур.

М а ъ м у н — Нега?

И к к и н ч и с а й ё х — Ул зот «Байтул ҳикма»га лойиқ ёш аллома даражасига етиб қолибдур.

М а ъ м у н — Мен ҳам шул фикрдадурмен...

Мехмонлар хайр-хўшлашиб чиқиб кетади. Хизматчи киради.

Х и з м а т ч и — Олий ҳазратим! Кубодин чақирилган толиб Аҳмад ибн Мухаммад ташриф буюрди. Ҳузурингизга киришга мунтазир бўлиб астонада турибдур.

М а ъ м у н – (Тасбеҳ ушлаб турган ўнг қўли билан ишора қиласди) Рухсат, кирсун.

Ёқимли таъзим ва табассум билан кириб келган Аҳмад Маъмун қархисига чўккалаб ўтиради ва тугунчалини ёнига қўйиб, эҳтиром билан дейди.

А х м а д – Ҳазратим! Сизнинг даъватингизни олтаганим заҳоти тунги йўловчи карвонга эргашиб тонгти қўёш бирлан биргалашиб қароргоҳингизга етиб келдим.

М а ъ м у н – Боракалло, толиб Аҳмад ибн Муҳаммад, боракалло! Сизнинг хусусингизда хўб яхши тариф эшиздим.

А х м а д – (таъзим қиласди). Куллук.

М а ъ м у н – (Девор токчаларига ишора қиласди). Ушбу мўъжизалар бирлан танишсизму?

Аҳмад деворга боради. Ганчдан ясалган токчалардаги китобларга қараб кўзи ўйнайди. Кейин Маъмунга юзланади.

А х м а д – Ҳазратим! Чап токчалардаги китобларни ўқиганман. Манави ўнг томондагилар бизнинг шаҳарда йўқ. Бундайларни қайлардин топсан бўладур?

М а ъ м у н – Ундайларни топиш учун алар туғилган жойларда бўлмоқ жоиз. Шул китоблар ҳазинасига кирмоқни хоҳлайсизму, Аҳмад ибн Муҳаммад?

А х м а д – (Севинчини яширолмай, болаларча яйраб гапира кетади). Асил мақсадимни изҳор қилдингиз, ҳазратим. Илоҳо тангirim шу баҳтга муюссар этсун мени!

М а ъ м у н – Падари бузрукворимиз ар-Рашид Оллоҳнинг назари тушган донишмандларга Йлм уйи «Байтул ҳикма» очибдурлар. Ўшал жойда борлик дононларни жамламоқдамиз. Сизни ҳам ўшал олий маконга лойиқ, деб топмишлар. Розимусиз?

А х м а д – Пирим! Падари бузрукворим, волидаи қиблагоҳим ва еtti маҳалламдин дуои фотиҳа олиб қайтурга рухсат сўрайман.

М а ъ м у н – Боракалло, боракалло. Сафарингиз бехатар бўлсун!

Аҳмад чиқиб кетади.

Еттиңчи қўриниш

Муҳаммаднинг ҳовлиси. Ёз палласи. Дарахтлар кўм-кўк. Ҳовли тўла одам. Аҳмад ибн Муҳаммадни Бағдодга кузатгани келган устозу мударрислар ва қариндош-уруглар, дўстлар орасида Сатимкарвон, Барчинойлар ҳам бор.

С а т и м к а р в о н – (Устозга мурожаат қиласи). Сиздин сўрай қолай, Устоз, шогирдингиз, Ихшид девонининг улуг илтифотига сазовор бўлғонмуш. Ўшал илтифот не эрур?

У с т о з – Ҳар бир осий бандани Оллоҳ шундай эътиборға сазовор қилсун, деймиз. Юртимизнинг бул қобил ўғлони Дариссалом алломалари қаторидин жой олибдурлар.

С а т и м к а р в о н – Қандай амалу мансаб берилибдур.

У с т о з – Олимға амал ила мансаб бегонадир. Ул зот Бағдодда Олий хаэррат халифамизнинг нурли нигоҳида бўлурлар. Маънавий маърифий, башарий, илм-фан ўчоги бўлмиш «Байтул ҳикма» кўйнида бўлурлар. Бундин ортиқ мартаба йўқдур доно инсонға!

О в о з л а р – Оллоҳ ёр бўлсун!

– Яратганинг ўзи мададкор бўлсун!..

Шу чоқ ичкаридан сафар анжомлари билан бутланган Аҳмад ибн Муҳаммад чиқади-да, табассум ила барчага таъзим бажо қиласи. Одамлар уни ўраб олиб тавоғ қиласидилар.

Унинг олдига Парчиной келади. Кўзларини пориллатиб тургач, ниҳоят илтижо қилгандай бўлади.

П а р ч и н о й – Хат-хабарингизни хуммор бўлиб кутурмен!..

А ҳ м а д – Сиз ҳам мени унутмагайсиз. Ишонамен.

Баттол пайдо бўлди-да, кора тиканақдай орага суқилиди.

Б а т т о л – Пиёда кетяпсанму?.. Туя керакму?

А ҳ м а д – Ташаккур! Қашқардин келадурон ипак йўли карвони бирлан кетурмен.

Б а т т о л – (Парчинойга) Сиз бу ерда қолурсиз?..

Парчиной ундан юзини ўгириб олиб Аҳмадга суқланиб боқади. Аҳмадга нимадир айтмоқчи бўлганида у отасига мурожат қила бошлайди, киз гапини айтольмай қолади.

Mirshab киради.

М и р ш а б – (Аҳмадга) Ҳужжатлар етарлиму?

А ҳ м а д – Етти муҳрли ҳужжат беришди...

Б а т т о л – (Миршабга пичирлаб) Тоға! Тоғажон!

Ўша безори муллавачча Дариссаломга кетаётганидин ҳабарингиз борму?

М и р ш а б – Шуниям билмаса тоғанг бу ерда пашиша қўриб ўтирибдирму, жиян.

Б а т т о л – Нега унинг йўлини тўсмадингиз? Ахир у мажусий-ку! Арабларнинг душмани. Мударрис айтмабиди?..

М и р ш а б – Ҳужжатлари жойида. Энг юкори мартабали ҳазратнинг муҳри босилган.

Б а т т о л – Ахир у ҳалифа бирлан ҳам тил топишиб қолса Қубога қайтгач, бошимизга бало бўлади-ку!

М и р ш а б – Ул ўғлон бу ерлардин нари кетса яхши эмасму? Сен билан ўртада талошдаги нозанин шу ерда қоляпти-ку...

Б а т т о л – (суюниб кетади) Ҳа, айтгандай, севиклиси шу ерда қоляпти...

А ҳ м а д – (Отасига таъзим айлаб, тиз чўкиб) Падари бузрукворим! Кутлуг сафаримга дуо айланг!

М у ҳ а м м а д – Сиздин минг бор розидурмен, билингки Оллоҳим-да розидур (сафар дуосини ўқииди).

Т а қ в о д у о с и: Аллоҳим, унга узогини яқин, сафарини осон қил!

... Аллоҳ тақвани озигинг қилсун, гуноҳингни кечсун ва қаерда бўлмагин сенга эзгуликлар бўлишин осонлаштиурсун, қайси йўлга йўналмаган яхшиликка юзлантирган бўлсун! (ҳамма «омин» дейди).

А ҳ м а д – (Сафарга чиқиши дуосини ўқииди): Аллоҳим, инояtingда жаҳд қилурман, шайланурман ва сафар қилурман.

Сизларни омонатлари ҳайбатта солмайтурғон ва зое бўлмайдиган Оллоҳнинг паноҳига топширдим!

Аҳмад ота-она, устозлари билан қучоқлашади. Сўнгра ҳамма билан хайр-хўшлашади. Уни ҳамма тантана билан кузатади. Шу он сахна коронилашади. Юлдузлар чақнайди.

Ф а з о д а н о в о з. Ҳалойик! Бу воқеа юз берганидин бери неча замоналар ўтди. Не-не савдолар бор экан, ўзбек тақдирида араблар истеълоси, сомонийлар, қораҳонийлар даври, мўғуллар босқинчилиги ўрислар империяси ва ниҳоят, ўйролар зулм занжири... Ҳаммаси ўтди... Дарёлар ўз ўзанидан окадур. Бобока-

лонларимиз Амир Темур оқизган ҳаёт дарёлари — оламшумул қадриятларимиз ўз, ўзимизга қайтди. Ўшалар қаторида улуг аллома Оврўпада, Шарқда, борингки, бутун дунёда фан ва маърифатнинг ёруғ юлдузи ҳисобланмиш Ахмад Фарғоний ҳам 1200 йилдан кейин бўлса-да, қаторимизга қайтиб келди. Дермушларки, андай одамлар ўлмайдурлар. Уларнинг руҳи ҳамиша тирик!

Прожектор ёритган бурчақда оппоқ соқолли нуроний қария. Сиймоси аранг кўринади-да, сўзлай бошлайди:

— Мен Ахмад Фарғонийнинг жонидурмен. Бундин бир минг бир юз йигирма йил илгари танадин ажралиб, кўкда учб орибдурмен. Бир ўзим эмас, ҳамма руҳлар менингдек. Билмайсизму? Одам ҳаётдин кўз юмгач, аниг жони руҳга айланадур. Руҳлар абадий! Алар ҳар жойда, тириклар йўқлағон ерда ҳозири нозирдурлар. Халқим мени йўқлабдур, мана мен келдим... Келдим... Келдим... (*Прожектор нури ёритгач, оппоқ соқолли, нуроний Аҳмад бобо руҳи аниқ кўринади*).

АҲМАД БОБОНИНГ РУҲИ. Ассалому алайкум, азизлар. Мен ҳам сизларга ўҳшаб шул ерларда чопқиллаб юргонмен. Саккиз ариқ Қубо соҳилларида хузур қилиб ором олғонмен, беҳиштий мевалардин мазза қилиб татифандурмен. Мана энди ҳаммаси сизларники!.. (*павза*). Нима? Нима? Менму? Мен дайди бир ўғлонингиз қайларда бўлиб, на юмушлар қилғоним хусусинда юртимга ҳисоб бергали келдим... келдим... келдим...

— Падари бузрукворим! Сиз миндирғон оқ тулпорда Марвдин машриққа, Шому Ироққа, андин Оврўпа ҳашарларига учдим...

— Момо! Сиз эмизган оқ сутингиз менға абадий мадор бўлди. Ани оқлаш учун Ерда, сувда, кўкда, халқ хизматида бўлдим. Оламгашта бўлиб юрдим-да, жаннатни Сизнинг оёғингиз сотидин топдим. Жаннат — бу, она сути эркан!

— Устоз! Коинот сирини очмоқ Сиз ёшларнинг насибасидур, деғон эрдингиз. Насиб қилди — топдим ани Шомдин, Ироқдин. Ул ерларда икки расадхона куриб, бир минг йигирма икки юлдузнинг бўйи-бастини ўлчадим! 812-йили Куёш тутилишини олдиндан башорат қилдим ва Ой ила күёш тутилиши жадвалини туздим. Дунёда биринчи бўлиб, Ер юм-юмалоқ эканини исботладим. Ер юзи харитасини туздим. Менинг харитам туфайли Христофор Колумб Американи очди. «Миқёси жадид» китобимдаги Ер-сув ўлчови — километр, кубометр атамалари ҳам менинг мулкимдур. Нил дарёсини эгаллаб,

жуганлағон ва араб халқиға хизматта солғон «Нилометр»ни ҳам мен яратғонмен. Қадимги юон файласуфларию ҳинд риёзиётчилари ҳам мөндин ризо күринур. Аларнинг китобларини арабчаға ағдарғоним, хўб яхши бўлди...

— А? Лаббай? Савол тушди. Сиз турғон ерму? Ул юмaloқ дедим шекилли. Ҳа юм-юмaloқ ва пириллаб айланиб юрадур. Аниг Қуёш тушмас, ой шўъла очмағон, юлдузлар кулиб боқмағон жойи йўқ. Ернинг ўзи юмалаб юриб аларға юз тутадур. Бириға кундузда, яна бириға кечда ва тунда... Андин кеча ва кундуз ҳосил бўладур.

— Азиз болакайлар! Мен ҳам эрдим Сизиндеқ, сиз ҳам бўлурсиз менингдек. Аниг учун не керак? Аввал бошдин ватанни севмоқ, она сутин оқламоқ, бунинг учун оламни ва одамни билмок, афлотун айтғонидай, уч нарса — эзгулик, ақл ва жон мавжудод хизматинда бўлмоғи лозим.

— Чироқлар ёқиб, қозонлар қайнатиб, нутқ айтиб, дуолар бажо қилғонларингиздин ғоятда шоддурмэн... дурмен... дурмен...

Қоронгуликда гойиб бўлади.

ПАРДА ТУШАДИ.

